

Ибтидоий жамоа тузуми кишилик жамияти тараккиётидаги энг узок давом этган ва энг кадимги давридир. Бу даврни ёзма манбалар асосида ўрганиб бўлмайди. Шунинг учун хам бу даврни чукур ўрганишда археология, этнография, антропология каби фанларнинг ахамияти бекиёсдир. Кадимги одамлар ўз фаолияти даврида атроф-мухитга таъсир кўрсатиб, кундалик хаётда ўзига зарур бўладиган меҳнат куроллари ясаган, яшаш учун маконлар танлаган, кейинчалик эса бошпаналар курганлар. Ўз навбатида бу жараёнлар инсон фаолиятига таъсир кўрсатган.

Хозирги пайтда Ўрта Осиё худудида ибтидоий жамият ривожланишининг алохида боскичлари куйидаги даврларга бўлинади:

1. Палеолит («палайос»-кадимги, «литос»-тош) даври; бундан тахминан 800 минг йил илгари бошланиб, 15—12 минг йил илгари тугайди; ўз навбатида бу давр учга бўлинади;
а) илк палеолит-Ашель даври, 800-100 минг йилни ўз ичига олади;
б) ўрта палеолит-Мустье даври, милоддан аввалги 100-40 минг йилликлар;
в) сўнгги палеолит-милоддан аввалги 40-12 минг йиллик.
2. Мезолит («мезос»-ўрта, «литос»-тош) милоддан аввалги 12-7 минг йилликлар.
3. Неолит («неос»-янги тош)-милоддан аввалги 6-4 минг йилликлар.
4. Энеолит (мис-тош даври)-милоддан аввалги 4 минг йилликнинг охири-3 минг йилликнинг боши.
5. Бронза даври-милоддан аввалги 3-2 минг йилликлар.
6. Темир даври-милоддан аввалги 1-минг йилликнинг бошларидан.

Ўзбекистон худудларидаги энг кадимги одамларнинг манзилгоҳлари Фаргона во-дийсидаги Селунгур, Тошкент вилоятидаги Кўлбулок, Бухородаги Учтут маконлари-дан топилган. Бу давр одамлари тошлардан кўпол куроллар (чопперлар) ясад, термачилик ва жамоа бўлиб ов килиш билан шугулланишган. Илк палеолит даври одамлари жисмоний жихатдан хам, аклий жихатдан хам хозирги одамлардан фарқ килишган. Улар табиат олдида ожиз бўлиб, унда тайёр бўлган маҳсулотларни ўзлаштирганлар. Улар на диний тушунчани, на дехкончиликни ва на чорвачиликни билганлар.

Ўрта палеолит даври маконлари Тошкент воҳасидаги Обираҳмат, Хўжакент, Самарканддаги Омонқўтон, Бойсун тогларидаги Тешиктош каби кўпгина маконлардан аникланган бўлиб, улардан шу даврга оид кўпгина турли-туман тошдан ясалган меҳнат куроллари топилган. Обираҳмат макони ёйсимон шаклда бўлиб, бу ерда 10 м калинликдаги 21 та маданий катлам аникланган. Топилмалар орасида нуклеуслар, парракчалар, ўткир учли сихчалар, киргичлар учрайди, шунингдек, турли хайвонлар суяклари хам кўпчиликни ташкил этади. Яна бир машхур ёдгорлик Тешиктош гор макони бўлиб, бу ердан турли-туман куроллар ва хайвон суякларидан ташкари, 9-10 яшар боланинг кабри казиб очилган. Кабрдаги мурданинг ёнига турли тош куроллар ва архар шоҳи кадаб кўйилган.

Ўрта палеолит даврига келиб ибтидоий жамият одамларининг меҳнат куроллари такомиллашиб, турмushiда янги унсурлар пайдо бўла бошлайди. Энг муҳими, ибтидоий тўдадан уругчилик жамоасига ўтиш бошланади. Шимолдан улкан музлик силжиб келиши

натижасида олов кашф этилади. Одамлар ўчоклар атрофларида тўланиб, ибтидоий турар-жойларга асос солдилар. Жамоа бўлиб ов килиш пайдо бўлди.

Сўнгги палеолит кадимги тош асрининг сўнгги боскичидир. Бу даврга оид макон-лар Охангарондаги Кўлбулук, Тошкентнинг гарбидаги Бўзсув 1 хамда Самарканд шахридан топилган. Улардан топилган топилмалар орасида киргичлар, кесгичлар, сихчалар, пичоклар, болталар каби куроллар бор. Бу даврга келиб одамлар факат тогли худудларга эмас, текисликларга хам таркала бошлайдилар. Бу даврнинг энг катта ютуги уругчилик тузумига (матриархат) ўтилишидир.

Палеолит даврига хулоса ясад шуни айтиш мумкинки, бу даврда ибтидоий одамлар хўжалик юритишнинг энг оддий йўлларидан (териб-термачлаб) мураккаброк кўринишларига (овчилик, баликчилик) га ўтдилар. Олов кашф этилди. Ибтидоий турар-жойлар ўзлаштирилди. Инсоният ибтидоий пода давридан уругчилик тузумига ўтди. Мехнат куроллари такомиллашиб, турлари кўпая борди. Шунингдек, бу давр ибтидоий одамлари орасида дастлабки диний карашлар пайдо бўлди.

Мезолит даври ёдгорликлари Сурхондарёдаги Мачой гор маконидан, Марказий Фарғонанинг кўпгина ёдгорликларидан топиб ўрганилган. Бу даврга келиб музлик яна шимолга кайтади. Хайвонот ва ўсимлик дунёсида катта ўзгаришлар содир бўлади.

Инсоният ўз тарихидаги дастлабки мураккаб мослама-ўқ-ёйни кашф этади.

Мезолит даври куроллари палеолитга нисбатан ихчамлиги ва сифатлилиги билан фарк килади. Мезолит даври кабилалари асосан овчилик ва термачилик хўжалиги юритганлар. Бу даврнинг охирларига келиб, дастлабки уй чорвачилиги ёки хайвонларни хонакилаштириш бошланади.

Неолит даврига келиб, кадимги кабилалар хаётида катта-катта ўзгаришлар содир бўлади. Бу давр одамлари аксарият холларда дарё соҳиллари ва тармоклари ёқасида, кўллар бўйларида яшаб, табиий имкониятлардан келиб чикиб, баликчилик ва овчилик ёки дехкончилик ва чорвачилик хамда кисман хунармандчилик билан шугулланганлар. Энг катта ютуклардан бири кулолчиликнинг пайдо бўлишидир. Шунингдек, бу даврга келиб тўқимачилик ва кайксозлик хам пайдо бўлади. Неолит даври кабилалари хўжалик шаклларига караб куйидаги маданиятларига бўлинади: Жойтун маданияти, Калтаминон маданияти, Хисор маданияти.

Жойтун маданияти. Жанубий Туркманистон худудидаги мил.авв. VI-V минг йилликларга оид маданият. Бу ердан Ўрта Осиёдаги биринчи пахса уйлар колдиклари, сопол идишлар намуналари аникланган. Ахолиси асосан дехкончилик, чорвачилик ва кисман овчилик билан шугулланган.

Калтаминон маданияти. Кадимги Хоразм худудидан топилган бўлиб, мил. авв. V-IV минг йилликларга оид. Топилмалар Калтаминон кабилаларининг баликчилик, ов-чилик ва кисман хунармандчилик билан шугулланганлигидан далолат беради.

Хисор маданияти. Асосан, Хисор-Помир тогларидан топилган. Милоддан аввалги V-IV минг йилликларга оид. Хисорликлар сопол идишлар ясад, асосан чорвачилик, ов-чилик, кисман термачилик билан шугулланганлар.

Энеолит даври маконлари Хитойдан Дунайгacha бўлган катта худудда таркалган бўлиб, хамма жойда ижтимоий тараккиётнинг бир хил боскичи кузатилади. Ўрта Осиёда куйидаги янги тарихий-маданий жараёнлар энеолит даври билан баглик:

1. Хўжаликнинг бошка хамма турларига караганда хайдама дехкончиликнинг устунлик килиши;
2. Тошдан ишланган куроллар кўп бўлган холда мис куролларнинг пайдо бўлиши;
3. Катта-катта ибтидоий жамоаларнинг пахсадан ва хом гиштдан тикланган катта-катта уйлари;
4. Кулолчиликда муҳим техника ютуги-хумдонларнинг ишлатилиши.
5. Турли хайвонларнинг лойдан ясалган ва она уруги (матриархат) га хос хайкалчалари;
6. Рангдор, турли тасвиirlар билан безатилган сопол буюмлар мавжудлиги.

Энеолит-мис-тош даврида одамлар дастлабки металл билан танишдилар. Бу даврга келиб мис куроллар анча такомиллашган бўлсада, ундан оғир меҳнат куроллари ясашнинг имкони йўқ эди. Мисдан асосан уй-рўзгор буюмлари, такинчоклар ва ҳарбий куроллар ясалган. Энеолит даври ёдгорликлари Бухоро вилоятининг Лавлакон, Бешбулок, Учтут (мис кони) мавзеларидан, Панжикент атрофларидан (Саразм маданияти) топиб текширилган. Бу даврга келиб, дехкончилик Ўрта Осиёning шимо-ли-шаркий худудларига хам ёйилади.

Хозирги кунда ибтидоий жамоа тузумининг турли бахсларга сабаб бўлаётган муаммоларидан бири антропогенез-одамнинг пайдо бўлиши ва ривожланишидир. Турли худудларда кадим замонларда яшаган илгор мутафаккирлар одамнинг пайдо бўлиши хакида илмий таърифга якин фикрларни баён этганлар. Улар асосан инсоният хайвонот оламидан ажralиб чиккан деган фикрни билдирадилар. Инсоннинг пайдо бўлиши миллионлаб йиллар давом этган ривожланиш жараёнининг натижасидир. Энг кадимги казилма одам колдиклари Шаркий Африкадан (Олдувай, зинжантроп), Индонезиядан (Ява, питекантроп), Хитойдан (синатроп), Германиядан (Гейдельберг) топиб текширилган. Кейинги топилмалар, яъни, замонавий одамга анча якин бўлган одам колдиклари дастлаб Неандерталь (Германия) водийсидан топилган (Ўзбекистондаги Тешиктош).

Ўрта тош даврида, биринчи навбатда меҳнат жараёнида инсон тафаккурининг ривожланиши натижасида неандерталь киёфасидаги одамлар хозирги киёфадаги одамларга айлана бошладилар. Улар жисмоний жихатдан камол топиб, хозирги киёфадаги кишилар вужудга келди ва шу билан антропогенез жараёни тугади (кроманьон кўринишидаги одамлар). Бу жараённинг тугаши инсоният тарихидаги муҳим воеа бўлиб, инсон дастлаб тошдан оддий тўқмок ясаган бўлса, узлуксиз меҳнат, интилиш хамда онгининг ривожланиши натижасида юксак маданият яратиш даражасига етиб келди.

Жанубий Козогистоннинг тог ва тоголди туманларидан, Киргизистоннинг тог водийларидан, Жанубий Туркманистанда, Кизилкум ва Коракум ичкарисидаги кадимги кўллар атрофида, Ўзбекистондаги Охангарон, Чирчик дарёлари водийларида, За-рафшон, Сурхондарё, Кашкадарё воҳалари, Фаргона водийси ва унинг тогли худудларидан ибтидоий жамоа тузумининг барча давларига оид ёдгорликлар топилган. Бу топилмалар Ўрта Осиёни антропогенез жараёни содир бўлган худудлар сарасига кўшиш имконини беради.

Хозирги даврда олимларнинг катта гурухи одамзоднинг дастлабки ватани Африка деган фикрни илгари сурса, яна бир гурух олимлар Европа дейдилар. Бошка бир гурух олимлар эса одам илк марта Осиёning жанубида пайдо бўлган деган гояни илгари сурадилар. Умуман олганда, одамзоднинг дастлабки ватани хакида олимлар орасида

ягона фикр хозирча йүк.